

Na osnovu člana 26. Zakona o poljoprivredi ("Sužbene novine FBiH", broj: 88/07,4/10 i 7/13.), člana 21.Statuta Grada Visoko ("Službeni glasnik Grada Visoko", broj: 10/21) i odredbi Odluke o izvršenju Budžeta Grada Visoko za 2024. godinu, broj:02/1-02-360/23 od 28.12.2023.godine , Gradsko vijeće Visoko, na 37. sjednici, održanoj 28.03.2024.godine, donosi:

**PROGRAM**  
**utroška sredstava iz Budžeta Grada Visoko**  
**za podršku poljoprivredi za 2024. godinu**  
**I**

**1.Podaci o programu**

Program utroška sredstava iz Budžeta Grada Visoko za podrške u poljoprivredi za 2024. godinu sa kriterijima raspodjele temelji se na odobrenim sredstvima za ovu namjenu u Budžetu Grada Visoko za 2024. godinu sa pozicije "Poticaj za poljoprivrednu proizvodnju".

**2. Period realizacije programa**

Podrška se odnosi na primarnu poljoprivrednu proizvodnju koja će se realizovati u periodu: 01.01-31.12.2024.

**3. Raspoloživi iznos sredstava: 550.000,00 KM**

**4. Namjena programa**

Podrška u poljoprivrednoj proizvodnji

**5. Korisnici programa**

Registrovani poljoprivredni proizvođači: privredna društva, poljoprivredni obrti i fizička lica (porodična poljoprivredna gazdinstva), čija je primarna proizvodnja organizovana na teritoriji Grada Visoko.

**6. Izvor sredstava**

Budžet Grada Visoko za 2024. godinu, pozicija: "Poticaj poljoprivrednoj proizvodnji"

**UVOD**

Programom utroška sredstava iz Budžeta Grada Visoko namjenjenih za podršku u oblasti poljoprivrede za 2024.-u godinu Grad Visoko nastoji stvoriti povoljnije uslove za intenzivniji razvoj poljoprivredne proizvodnje, podržati proizvođače za proizvodnju veće količine poljoprivrednih proizvoda za vlastite potrebe i potrebe tržišta, podržati organizovanu kooperativnu proizvodnju i plasman tržišnih viškova poljoprivrednih proizvoda. Pored ovog cilja postoje i drugi specifični ciljevi Programa, a to su:

- osposobljavanje tržišno orijentisanih proizvođača,
- inteziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- očuvanje radnih mjesta u oblasti poljoprivrede i mogućnosti samozapošljavanja

Prema čl.26. Zakona o poljoprivredi ("Sužbene novine FBiH" broj:88/07,4/10 i7/13.) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Grada Visoko za 2024. godinu odobreno 550.000,00 KM za podršku poljoprivrednoj proizvodnji. Program utroška sredstava podrazumijeva jednokratne isplate za stimulisanje animalne i biljne proizvodnje, te za edukacije, promociju i druge aktivnosti vezane za poljoprivrednu proizvodnju. Nakon usvajanja Programa od strane Gradskog vijeća, Služba nadležna za poslove poljoprivrede će u saradnji sa udruženjima poljoprivrednika i sredstvima javnog informisanja obavijestiti poljoprivredne proizvođače o poticajnim mjerama, kao i o kriterijima koji moraju biti ispunjeni da bi podrška bila odobrena krajnjem korisniku (registrovanom poljoprivredniku).

Pri izradi Programa za 2024.godinu koristio se uvid u slijedeće:

- resursne mogućnosti Grada Visoko
- kontinuitet poticajnih mjera i iskustva u realizaciji novčanih poticaja prethodnih godina
- analiza Pravilnika o načinu i uslovima ostvarivanja novčane podrške po modelu poticaja proizvodnji ("Sl. novine FBiH", broj. 32/17, 55/17, 56/18.)
- analiza Programa novčanih poticaja u poljoprivredi Vlade Zeničko-dobojskog kantona
- analize proizvodnji na području Grada Visoko za koju se ostvaruju poticajna sredstva
- sugestije učesnika u sektoru poljoprivrede, sugestije udruženja poljoprivrednih proizvođača,
- iznos odobrenih sredstava u Budžetu Grada Visoko za tekuću godinu
- sastanak i javna rasprava sa predstavnicima Udruženja poljoprivrednika u gradu Visoko

Na osnovu gore navedenog sačinjen je Program utroška novčanih sredstava sa pozicije "Poticaj poljoprivrednoj proizvodnji" sa svrhom podrške prioritarnim mjerama u okviru raspoloživih sredstava za ovu namjenu.

## **NAČIN OSTVARIVANJA PODRŠKE I KRITERIJI ZA RASPODJELU SREDSTAVA**

### **II**

#### **OPĆE ODREDBE**

Novčane podrške u primarnoj poljoprivrednoj proizvodnji mogu ostvariti registrovani poljoprivredni proizvođači:

1. Koji imaju zasnovanu proizvodnju na području Grada Visoko
2. Porodična poljoprivredna gazdinstva (obrti u poljoprivredi, fizička i pravna lica) koji su upisani u Registar poljoprivrednih gazdinstava i Registar klijenata, Registar pčelara i pčelinjaka FBiH u Gradu Visoko, te da su obavili ažuriranje podataka u 2024. godini do zakonski predviđenog roka 31.03.2024.godine.
3. Lica koja blagovremeno podnesu zahtjev za podršku s potrebnom dokumentacijom i ispune sve propisane kriterije
4. Zahtjev za jednu ili više vrsta proizvodnje podnosi nosilac poljoprivrednog gazdinstva (za svaku vrstu proizvodnje podnosi poseban zahtjev). Podnošenje zahtjeva se vrši u predviđenim rokovima za svaku vrstu podrške naznačenih u Programu.
5. Svi podneseni zahtjevi moraju biti u skladu sa ažurnim podacima iz RPG i RK (Služba će navedene podatke službeno provjeriti i uporediti sa podnesenim zahtjevom)
6. Ispunjavanje kriterija u svakom pojedinačnom slučaju će utvrditi komisija imenovana od strane Gradonačelnika. Nakon provjere dokumentacije sačinjavanja zapisnika, selektivnog uvida na terenu i obračuna, odobreni iznos podrške se uplaćuje na tekući račun korisnika.

#### **Iznos sredstava podrške sa kriterijima**

Novčana sredstva odobrena u Budžetu Grada Visoko za 2024. godinu iznose 550.000,00 KM na poziciji "Poticaj poljoprivredi". Sredstva se raspoređuju u više oblasti poljoprivrede i druge namjene, a u skladu sa Programom utroška sredstava i razvrstana su u tri modela:

##### **A) Model podrške animalnoj proizvodnji**

##### **B) Model podrške biljnoj proizvodnji**

##### **C) Model ostale vrste podrške**

#### **A/1PODRŠKA ZA ANIMALNU PROIZVODNJU**

- 1.1. Proizvodnja i prerada mlijeka
- 1.2. Pčelarska proizvodnja
- 1.3. Uzgoj koka nosilja i prepelica za konzumna jaja
- 1.4. Podrška za uzgajivače tovnih brojlera

#### **B/2 PODRŠKA ZA BILJNU PROIZVODNJU**

- 2.1. Proizvodnja povrća, cvijeća i jagode u plasteniku/stakleniku
- 2.2. Proizvodnja maline
- 2.3. Proizvodnja jagode
- 2.4. Proizvodnja na otvorenom (poljoprivredni obrti)

#### **C/3 OSTALE VRSTE PODRŠKE**

- 3.1 Podrška za nabavku novih kopačica, priključaka za traktore, motokultivatore i nove muzilice
- 3.2 Podrška za saradnju sa NVO i drugim nivoima vlasti na projektima iz oblasti poljoprivrede, edukacije i organizaciju manifestacija
- 3.3. Podrška za sufinansiranje proljetne sjetve
- 3.4 Podrška za organsku proizvodnju
- 3.5 Podrška za organizaciju poljoprivrednog Sajma "Jesen u Visokom"

Ukoliko se planirana sredstva po vrstama novčanih poticaja iz objektivnih razloga u cijelosti ili djelimično ne iskoriste, ista se mogu preusmjeriti sa jedne pozicije na drugu unutar Programa, uz prijedlog nadležne Službe i uz saglasnost Gradonačelnika.

**POSEBNE ODREDBE****A/1. ANIMALNA PROIZVODNJA****1.1 PROIZVODNJA MLIJEKA****1.1.1 PODRŠKA ZA MLIJEČNE KRAVE U SISTEMU OTKUPA MLIJEKA****(obrta i privredna društva)**

Pravo na podršku imaju proizvođači svježeg kravljeg mlijeka koji su upisani u Registar poljoprivrednih gazdinstava i Registar klijenata, te su u sistemu otkupa mlijeka i posjeduju minimalno 3 muzna grla. Podršku ostvaruju i prerađivači mlijeka koji rasterom i knjigovodstvenom ispravom dokazuju količinu proizvedenog i prerađenog mlijeka na gazdinstvu. Podrška za navedenu proizvodnju će se isplaćivati kvartalno za I, II i III kvartal u tekućoj godini, a IV kvartal iz tekuće godine u Programu za 2025. godinu. Klijent ostvaruje pravo na novčanu podršku za proizvodnju svježeg kravljeg mlijeka, ako pored općih uslova ispuni i sljedeće uslove.

a) da posjeduje ugovor sa otkupljivačem mlijeka, a ako je prerada mlijeka na vlastitom gazdinstvu-raster ili knjigovodstveni dokaz (ovjeren iz knjigovodstvene agencije) o količini proizvedenog i prerađenog mlijeka.

b) da su grla obilježena ušnom markicom

**Iznos podrške je: do 0,04 kf/litru**

**Minimalna količina mlijeka koja će se uzeti u obračun iznosi: 2 500 litara/kvartal**

**Maksimalna količina mlijeka koja će se uzeti u obračun iznosi: 25 000 litara/kvartal**

Ostvarena podrška za obrte koji obavljaju poljoprivrednu djelatnost kao dopunsko zanimanje umanjuje se za 20% u odnosu na obrte osnovno zanimanje i privredna društva.

Uz zahtjev za podršku obrta i privredna društva dostavljaju sljedeću dokumentaciju:

1. Uvjerenje da je obrt aktivan sa naznakom dopunskog ili osnovnog zanimanja
2. Pasoš goveda na ime podnosioca zahtjeva (neovjereni kopija, a original mora imati na farmi)
3. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza
4. Uvjerenje uprave za indirektno oporezivanje izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza –za obrte i firme koje su u sistemu PDV-a.
5. Dokaz od otkupljivača o količini predatog mlijeka za I kvartal –raster/tabela
6. Dokaz o količini proizvedenog i prerađenog mlijeka za I kvartal – samo prerađivači mlijeka
7. Kopija potvrde računa banke (potvrda izdata u 2024. godini)
8. Ugovor sa otkupljivačem/mljekarom

**Zahtjev se podnosi do 15.04.2024. godine za I kvartal**

Za ostale kvartale (II, III, IV) nadležna služba će po službenoj dužnosti preuzeti spiskove proizvođača mlijeka/kooperanata od mljekara sa upisanim količinama za traženi kvartal. Pravo na ostvarivanje poticaja za (II, III, IV kvartal) imaju proizvođači/prerađivači koji su podnijeli zahtjev sa cjelokupnom dokumentacijom do 15.04.2024. godine.

Prerađivači mlijeka koji nisu u sistemu otkupa, za svaki kvartal pojedinačno dostavljaju raster/tabelu o utrošku proizvedenog mlijeka

**1.1.2 PODRŠKA ZA MLIJEČNE KRAVE U SISTEMU OTKUPA MLIJEKA****(fizička lica PPG)**

Proizvođač ostvaruje pravo na novčanu podršku za uzgoj muznih krava u sistemu otkupa mlijeka i ispunjava sljedeće uslove:

- a) Posjeduje ugovor sa registrovanim otkupljivačem kojem isporučuje mlijeko
- b) U uzgoju ima minimalno 3 muzna grla

**Iznos podrške je: do 0,06 kf/litru**

**Minimalna količina mlijeka koja će se uzeti u obračun iznosi: 1 500 litara/kvartal**

**Maksimalna količina mlijeka koja će se uzeti u obračun iznosi: 15 000 litara/kvartal**

Uz zahtjev za podršku podnosilac zahtjeva dostavlja sljedeću dokumentaciju:

1. Pasoš goveda – neovjereni kopija, a original mora imati na farmi
2. Ugovor sa registrovanim otkupljivačem
3. Dokaz o isporuci mlijeka od otkupljivača za zadnja tri mjeseca – raster/tabela
4. Kopija potvrde računa banke (potvrda izdata u 2024. godini)

**Zahtjev se podnosi do 15.04.2024. godine za I kvartal**

Za ostale kvartale (II, III, IV) nadležna služba će po službenoj dužnosti preuzeti spiskove proizvođača mlijeka/kooperanata od mljekara sa upisanim količinama za traženi kvartal. Pravo na ostvarivanje poticaja za (II, III, IV kvartal) imaju proizvođači mlijeka koji su podnijeli zahtjev sa cjelokupnom dokumentacijom do 15.04.2024. godine.

## **1.2. PČELARSKA PROIZVODNJA**

Pravo na podršku imaju pčelari, fizička lica, registrovani obrti i pravna lica sa područja grada Visoko koji su upisani u Registar poljoprivrednih gazdinstava i Registar pčelara i pčelinjaka FBiH, te da su članovi udruženja pčelara, da posjeduju košnice stacionirane na području grada Visoko ili posjeduju odobrenje općine/grada za smještaj selećeg pčelinjaka ili ovjeren ugovor o zakupu zemljišta.

Iznos podrške je:

**do 12,00 KM /košnici - obrti**

**do 10,00 KM/košnici - fizička lica**

**Novčana naknada se ostvaruje za minimalno 10 i maksimalno 40 košnica**

Uz zahtjev za podršku podnosilac dostavlja sljedeću dokumentaciju:

1. Originalnu potvrdu izdatu od strane Udruženja pčelara kojom se potvrđuje da podnosilac zahtjeva ima prijavljene košnice sa pčelama;
2. Ovjerenu izjavu o broju pčelinjih društava
3. Kopiju potvrde o otvorenom bankovnom računu; (potvrda izdata u 2024. godini)
4. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza (za obrte i privredna društva)
5. Pčelari čije se pčelinje zajednice u trenutku sačinjavanja zapisnika nalaze na području druge općine/grada dužni su dostaviti ovjerenu kopiju rješenja o odobrenju za smještaj pokretnog pčelinjaka ili ugovor o zakupu zemljišta
6. Uvjerenje da je obrt aktivan

**Zahtjev se podnosi do 15.05.2024. godine**

## **1.3. UZGOJ KOKA NOSILJA I PREPELICA ZA KONZUMNA JAJA**

Pravo na podršku imaju registrovana porodična poljoprivredna gazdinstva, registrovani obrti i pravna lica upisani u RPG. Podrška se odnosi za vlasnike koji imaju koke nosilje ili prepelice (slobodni i kavezni uzgoj). Obračun poticaja će se izvršiti prema broju koka nosilja i prepelica prijavljenih u Registar i to:

**Minimalan broj jedinki u uzgoju za koji se obračunava poticaj je 50 koka nosilja ili prepelica**

**Maksimalan broj jedinki u uzgoju za koji se obračunava poticaj je 300 koka nosilja ili prepelica**

**Visina poticaja iznosi: do 1,50 KM/kljuno**

Za registrovane poljoprivredne obrte poticaj se uvećava za 20%.

Uz zahtjev za podršku podnosilac dostavlja sljedeću dokumentaciju:

1. Ažuriranu listu stoke iz RPG-a
2. Ovjerenu izjavu o broju jedinki u uzgoju
3. Kopiju potvrde o otvorenom bankovnom računu; (potvrda izdata u 2024. godini)
4. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza (za obrte i pravna lica)
5. Uvjerenje da je obrt aktivan

**Zahtjev se podnosi do 01.10.2024. godine**

## **1.4. PODRŠKA ZA UZGAJIVAČE TOVNIH BROJLERA**

Pravo na podršku imaju registrovani obrti i privredna društva upisani u Registar poljoprivrednih proizvođača koji se bave uzgojem i tovom brojlera i imaju ugovor o otkupu utovljenih brojlera sa registrovanim otkupljivačem.

Obračun poticaja će se izvršiti prema prijavljenom broju tovnih brojlera u RPG-u za jedan turnus:

- a.) do 10 000 kapacitet (visina poticaja do 500,00 KM)
- b.) do 50 000 kapacitet (visina poticaja do 700,00KM)
- c.) do 100 000 kapacitet (visina poticaja do 800,00 KM)
- d.) preko 100 000 kapacitet (visina poticaja do 1000,00 KM)

Uz zahtjev za podršku podnosilac dostavlja sljedeću dokumentaciju:

1. Ažuriranu listu stoke iz RPG-a
2. Kopiju potvrde o otvorenom bankovnom računu; (potvrda izdata u 2024. godini)
3. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza (za obrte i pravna lica)
4. Ugovor o otkupu tovnih brojlera
5. Uvjerenje da je obrt aktivan

**Zahtjev se podnosi do 01.10.2024. godine**

## B/2 BILJNA PROIZVODNJA

### 2.1. PODRŠKA ZA POLJOPRIVREDNU PROIZVODNJU U PLASTENICIMA I STAKLENICIMA

Pravo na podršku mogu ostvariti poljoprivredni proizvođači fizička lica, obrti (osnovno i dopunsko zanimanje), zadruge i privredna društva upisani u Registar poljoprivrednih gazdinstava i registar klijenata koji ispunjavaju sljedeće uslove:

1. Da u plasteniku/stakleniku imaju zasnovanu proizvodnju povrća, cvijeća i jagode
2. Da je visina konstrukcije plastenika u najvišem dijelu minimalno 2 metra
3. Da su plastenici sa UV folijom, zatvoreni sa čeonih strana i montiranim vratima.

#### 2.1.1 PODRŠKA ZA PLASTENIČKU/STAKLENIČKU PROIZVODNJU POVRĆA, CVIJEĆA I JAGODA - OBRTI

Pravo na podršku mogu ostvariti poljoprivredni proizvođači koji imaju registrovan obrt u poljoprivrednoj djelatnosti kao osnovno ili dopunsko zanimanje, zadruge, privredno društvo i imaju zasnovanu proizvodnju povrća, cvijeća i jagode na minimalnoj površini **300 m<sup>2</sup>** pod plastenicima/staklenicima.

Iznos podrške je:

**Obrti osnovno zanimanje, zadruge i privredna društva do 1.00 KM/ m<sup>2</sup>**

**Obrti dopunsko zanimanje – do 0,70 kf/ m<sup>2</sup>**

**Minimalna površina za koju se ostvaruje podrška je 300 m<sup>2</sup>**

**Maksimalna površina za koju se ostvaruje podrška je 1000 m<sup>2</sup>**

**Uz zahtjev za podršku podnosilac dostavlja sljedeću dokumentaciju**

1. Lista korištenja zemljišta iz RPG-a sa naznačenom proizvodnjom u plasteniku
2. Uvjerenje da je obrt aktivan sa naznakom dopunskog ili osnovnog zanimanja
3. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza.
4. Kopija potvrde računa banke (potvrda izdata u 2024. godini)

**Zahtjev se podnosi do 01.07.2024. godine**

#### 2.1.3. PODRŠKA ZA PLASTENIČKU/STAKLENIČKU PROIZVODNJU POVRĆA, CVIJEĆA I JAGODA - PPG

Pravo na podršku mogu ostvariti poljoprivredni proizvođači fizička lica koji imaju zasnovanu proizvodnju povrća, cvijeća i jagode u plastenicima na minimalnoj površini od **300 m<sup>2</sup>** i maksimalnoj površini do **1000 m<sup>2</sup>** pod plastenicima.

**Iznos podrške je do 0,80 KM/ m<sup>2</sup>**

**Minimalna površina za koju se ostvaruje podrška je 300 m<sup>2</sup>**

**Maksimalna površina za koju se ostvaruje podrška je 1000 m<sup>2</sup>**

**Uz zahtjev za podršku podnosi se sljedeća dokumentacija:**

1. Lista korištenja zemljišta iz Registra poljoprivrednih gazdinstava za 2024. godinu sa naznačenom proizvodnjom u plasteniku.
2. Kopija potvrde računa banke (potvrda izdata u 2024. godini)

**Zahtjev se podnosi do 01.06.2024. godine**

### 2.2 PODRŠKA ZA PROIZVODNJU MALINE

Pravo na podršku mogu ostvariti proizvođači maline, fizička lica, obrti i privredna društva čije se parcele nalaze na području grada Visoko na minimalnoj površini od **1 dunuma** zemljišta i imaju zaključen ugovor sa otkupljivačem na području FBiH.

**Podrška za obrte i privredna društva iznosi do 0,15 KM/kg, a za fizička lica iznosi do 0,10 KM/kg.**

**Minimalna količina maline za koju se ostvaruje podrška je 700 kg**

**Maksimalna količina maline za koju se ostvaruje podrška je 4000 kg**

#### 2.2.1. Obrt –osnovno zanimanje

Uz zahtjev za podršku podnosilac dostavlja sljedeću dokumentaciju:

1. Dokaz o otkupljenim količinama maline od strane otkupljivača
2. Ugovor sa otkupljivačem – ovjerena kopija
3. Lista korištenja zemljišta iz RPG-a sa upisanim zasadam maline za tekuću godinu

4. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza (za obrte i privredna društva)
5. Uvjerenje da je obrt aktivan sa naznakom dopunskog ili osnovnog zanimanja
6. Kopija potvrde računa banke (potvrda izdata u 2024. godini)

### **2.2.2. Prizvođači maline - fizička lica**

Uz zahtjev za podršku podnosilac dostavlja sljedeću dokumentaciju:

1. Dokaz o otkupljenim količinama maline od stane otkupljivača
2. Ugovor sa otkupljivačem – ovjerena kopija
3. Lista korištenja zemljišta iz RPG-a sa upisanim zasadam maline za tekuću godinu
4. Kopija potvrde računa banke (potvrda izdata u 2024. godini)

Za registrovane poljoprivredne obrte (dopunsko zanimanje) visina poticaja se umanjuje za 20%

**Zahtjev se podnosi do 01.11.2024. godine**

### **2.3 PODRŠKA ZA PROIZVODNJU JAGODE**

Pravo na podršku imaju proizvođači jagode, fizička lica i obrti upisani u Registar poljoprivrednih proizvođača koji imaju zasnovanu proizvodnju jagode na površini od minimalno 0,1 ha

Visina podrške iznosi:

- do 150,00 KM/dunum - fizička lica
- do 170,00 KM/dunum - registrovani obrt –dopunska djelatnost
- do 200,00 KM/dunumu - registrovani obrt –osnovno zanimanje

**Minimalna površina za koju se ostvaruje podrška je 0,1 ha**

**Maksimalna površina za koju se ostvaruje podrška je 0,4 ha**

#### **2.3.1. PODRŠKA ZA PROIZVODNJU JAGODE –OBRT OSNOVNO I DOPUNSKO ZANIMANJE**

Uz zahtjev za podršku podnosilac dostavlja sljedeću dokumentaciju

1. Ažurnu listu korištenja sa prikazanom površinom pod zasadam jagode
2. Uvjerenje nadležne gradske službe da je obrt aktivan sa naznakom dopunsko ili osnovno zanimanje
3. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza.
4. Kopija potvrde računa banke (potvrda izdata u 2023. godini)

**Zahtjev se podnosi do 01.06.2024. godine**

#### **2.3.2. PODRŠKA ZA PROIZVODNJU JAGODE – PPG**

Uz zahtjev za podršku podnosilac dostavlja sljedeću dokumentaciju

1. Listu korištenja zemljišta iz RPG-a sa prikazanom površinom jagode za tekuću godinu
- 2.. Kopija potvrde računa banke (potvrda izdata u 2024. godini)

**Rok za podnošenje zahtjeva je 01.06.2024. godine**

### **2.4 PODRŠKA ZA POLJOPRIVREDNE OBRTE ZA PROIZVODNJU NA OTVORENOM**

Pravo na podršku imaju registrovani poljoprivredni obrti osnovno i dopunsko zanimanje koji imaju organizovanu proizvodnju povrća i žitarica na otvorenom na minimalnoj površini od 0,3ha. Obrti koji ostvaruju podršku sa ove stavke iz Programa poticaja ne mogu ostvarivati u toku godine poticaj i sa drugih stavki.

Visina podrške iznosi:

- do 200,00 KM/ registrovani obrt –dopunska djelatnost
- do 400,00 KM/ - registrovani obrt –osnovno zanimanje

1. Ažurnu listu korištenja sa prikazanom površinom od minimalno 0,3 ha
2. Uvjerenje nadležne gradske službe da je obrt aktivan sa naznakom dopunsko ili osnovno zanimanje
3. Uvjerenje porezne uprave izdato u tekućoj godini iz koje je vidljivo da podnosilac zahtjeva nema dospjelih, a neizmirenih obaveza
4. Kopija potvrde računa banke (potvrda izdata u 2024. godini)

5. Ovjerenu izjavu da podnositelj zahtjeva ne ostvaruje podršku iz drugih stavki iz Programa poticaja:  
Proizvodnja i prerada mlijeka  
Uzgoj tovnih brojlera  
Držanje pčelinjih zajednica  
Proizvodnja povrća i voća u plastenicima/staklenicima  
Proizvodnja maline i jagode na otvorenom

**Zahtjev se podnosi do 01.07.2024. godine**

### **3.1 PODRŠKA ZA NABAVKU NOVIH KOPAČICA, PRIKLJUČAKA ZA TRAKTOR MOTOKULTIVATOR I MUZILICE**

Podržava se nabavka novih kopačica i priključaka za poljoprivrednu mehanizaciju, i novih muzilica u iznosu do 25% vrijednosti i dodatnih 5% za žene nosioce gazdinstva što poljoprivredni proizvođač dokazuje računom o kupovini. Podrška se odnosi na nabavku obavljenju u periodu od 01.10.2023. do 01.10.2024. godine.

Maksimalni iznos vrijednosti kupljenih priključaka i muzilica iznosi do 3.000,00 KM.

Pravo na podršku mogu ostvariti poljoprivredni proizvođači – fizička lica upisana u Registar poljoprivrednih gazdinstava i Registar klijenata kao nosioci gazdinstva, a koji nabave nove kopačice, priključke za mehanizaciju i muzilice. Kopačice, priključci i muzilice koji su nabavljeni na lizing, polovna ili putem komisije prodaje neće se uzimati u razmatranje i zahtjev će biti odbijen. Obračun i isplata će se vršiti po dostavljanju zahtjeva sukcesivno do roka podnošenja zahtjeva. Uz zahtjev za ostvarenje prava na novčanu podršku podnositelj zahtjeva dostavlja u originalu ili ovjerenoj kopiji sljedeću dokumentaciju:

1. Otpremnicu na ime podnosioca zahtjeva i fiskalni račun
2. Ovjereni izjavi podnosioca zahtjeva da nabavljene kopačice, priključci ili muzilica neće biti prodana ili otuđena u periodu od tri (3) godine od trenutka dobijanja poticaja.
3. Potvrda banke o otvorenom i aktivnom računu (potvrda izdata u 2024. godini)

#### **Prihvatljivi troškovi nabavke:**

Poljoprivredna mehanizacija: kopačice, priključci za traktor i motokultivator  
Mljekarska oprema: muzilice

**Zahtjev se podnosi do 01.10.2024. godine**

### **3.2 PODRŠKA ZA SARADNJU SA NVO, DRUGIM NIVOIMA VLASTI, EDUKACIJE I MANIFESTACIJE**

Podrška za edukacije poljoprivrednih proizvođača i održavanje manifestacija vezanih za promociju poljoprivredne proizvodnje – sajmovi, studijska putovanja poljoprivrednika, edukativna predavanja koja će se realizovati u 2024. godini. Sredstva za implementaciju projekata iz oblasti poljoprivrede u saradnji sa NVO sektorom i drugim nivoima vlasti.

**Zahtjev se podnosi do 01.11.2024. godine**

### **3.3 PODRŠKA ZA SUFINANSIRANJE PROLJETNE SJETVE**

Podrška za proljetnu sjetvu predviđena je za sufinansiranje nabavke sjemenskog i sadnog materijala za proizvodnju žitarica i povrća. Pored odredbi ovog Programa, posebni uslovi koje moraju ispunjavati klijenti, prihvatljivi i neprihvatljivi troškovi, način ostvarivanja prava na novčanu podršku kao i druga pitanja propisuju se naknadno Javnim pozivom.

### **3.4 PODRŠKA ZA REGISTROVANU ORGANSKU PROIZVODNJU I PLANTAŽNI UZGOJ AUTOHTONIH SORTI VOĆA**

Pravo na podršku za registrovanu organsku poljoprivrednu proizvodnju mogu ostvariti proizvođači u oblasti biljne i animalne proizvodnje koji su registrovani kao obrt – osnovno zanimanje i pravna lica koji posjeduju certifikat za organsku proizvodnju za 2024. godinu.

Pravo na podršku za plantažni uzgoj autohtonih sorti voća ostvaruju fizička lica koja imaju minimalno 3 dunuma pod zasadam voća i posjeduju uvjerenje ili dokaz nadležne institucije o autohtonim sortama voća

Iznos podrške je do 500,00 KM/obrt – organska proizvodnja

Iznos podrške je do 500,00 KM/PPG – plantažni uzgoj autohtonog voća

Uz zahtjev se prilaže sljedeća dokumentacija (certifikacija organske proizvodnje)

1. Certifikat za organsku proizvodnju za 2024. godinu.
2. Uvjerenje porezne uprave izdato u tekućoj godini iz koje je vidljivo da podnositelj zahtjeva nema dospjelih, a neizmirenih obaveza
3. Uvjerenje da je obrt aktivan
4. Kopija potvrde računa banke (potvrda izdata u 2024. godini)

Uz zahtjev se prilaže sljedeća dokumentacija (plantažni uzgoj autohtonog voća)

1. Uvjerenje ili dokaz nadležne institucije o autohtonim sortama voća
2. Lista korištenja iz RPG-a
3. Kopija potvrde računa banke (potvrda izdata u 2024. godini)

**Zahtjev se podnosi do 01.07.2024. godine**

### **3.5 PODRŠKA ZA ORGANIZACIJU SAJMA JESEN U VISOKOM**

Sredstva za potrebe organizacije poljoprivredno-prehrambenog izložbeno prodajnog sajma "Jesen u Visokom" 2024. Naknadno će biti raspisan Javni poziv za suorganizatore sajma.

Nakon usvajanja Programa od strane Gradskog vijeća, isti će se objaviti na lokalnim TV i radio sredstvima informisanja, web stranici Grada Visoko, te dostaviti registrovanim udruženjima poljoprivrednih proizvođača na području grada Visoko. Nadležna Služba će u toku godine objavljivati pojedinačne obavijesti zajedno sa kriterijima, rokovima i neophodnom dokumentacijom za prijavu za podršku. Po realizaciji Programa, komisija će sačiniti izvještaj o utrošku sredstava za sve proizvodnje navedene u Programu.

Tabelarni prikaz sa iznosima podrške po proizvodnjama

| A1. <b>PODRŠKA ZA ANIMALNU PROIZVODNJU</b> |   |   |                                 |
|--|---|---|---------------------------------|
| Rb.  | Naziv podrške   | Koeficijent za obračun  | Procjena potrebnih sredstava KM |
| 1.   | <b>Podrška za mliječne krave u sistemu otkupa mlijeka i prerađivačima mlijeka</b><br>Registrovani obrt i privredna društva      | do 0,04 kf/litru  | 129.000,00                      |
| 2.   | <b>Podrška za mliječne krave u sistemu otkupa mlijeka i prerađivačima mlijeka</b><br>Muzne krave u sistemu otkupa mlijeka (PPG) | do 0,06 kf/litru  | 38.000,00                       |
| 3.   | <b>Poticaj za pčelinja društva</b><br>Registrovan obrt  | do 12,00 KM/košnici   | 1.500,00                        |
| 4.   | <b>Poticaj za pčelinja društva</b><br>Pčelari PPG   | do 10,00 KM/košnici   | 19.500,00                       |
| 5.   | <b>Podrška za uzgoj kokoški nosilja i prepelica za konzumna jaja</b>  | do 1,50 KM/kljunu dodatnih 20% za registrovane obrte  | 4.000,00                        |
| 6.   | <b>Uzgoj tovnih brojlera</b>  | do 10000 kapacitet (poticaj 500,00 KM)<br>do 50000 kapacitet (poticaj 700,00KM)<br>do 100000 kapacitet (poticaj 800,00 KM)<br>preko 100000 kapacitet (poticaj 1000,00 KM) | 18.000,00                       |
| <b>UKUPNO:</b>                             |   |   | <b>210.000,00</b>               |



| B1. PODRŠKA ZA BILJNU PROIZVODNJU |  |                           |                                 |
|-----------------------------------|--|---------------------------|---------------------------------|
| Rb.                               | Naziv podrške  | Koeficijent za obračun    | Procjena potrebnih sredstava KM |
| 1.                                | <b>Podrška proizvođačima povrća, cvijeća i jagoda u plastenicima</b><br>Registrovano obrt – osnovno          | do 1,00 KM/m <sup>2</sup> | 93.000,00                       |
| 2.                                | <b>Podrška proizvođačima povrća, cvijeća i jagoda u plastenicima</b><br>Registrovano obrt – dopunsko         | do 0.70 KM/m <sup>2</sup> | 1.000,00                        |
| 3.                                | <b>Podrška proizvođačima povrća, cvijeća i jagoda u plastenicima</b><br>PPG                                  | do 0,80KM/m <sup>2</sup>  | 13.000,00                       |
| 4.                                | <b>Proizvodnja maline</b><br>Registrovano obrt ,zadruge i privredna društva                                  | do 0,15KM/kg              | 1.000,00                        |
| 5.                                | <b>Proizvodnja maline</b><br>PPG   | do 0,10 KM/kg             | 27.000,00                       |
| 6.                                | <b>Proizvodnja jagode</b><br>Registrovano obrt –osnovno zanimanje  | do 180,00 KM/dunum        | 3.000,00                        |
| 7.                                | <b>Proizvodnja jagode</b><br>Registrovano obrt –dopunsko zanimanje   | do 150,00 KM/dunum        | 1.000,00                        |
| 8.                                | <b>Proizvodnja jagode</b><br>PPG   | do 120,00 KM/dunum        | 8.000,00                        |
| 9.                                | <b>Podrška za poljoprivredne obrte za proizvodnju na otvorenom</b><br>Registrovano obrt – osnovno zanimanje  | do 400,00 KM/obrt         | 4.000,00                        |
| 10.                               | <b>Podrška za poljoprivredne obrte za proizvodnju na otvorenom</b><br>Registrovano obrt – dopunsko zanimanje | do 200,00 KM/obrt         | 1.000,00                        |
| UKUPNO:                           |  |                           | 152.000,00                      |


| C1. OSTALE PODRŠKE |   |                          |                                 |
|--------------------|---|--------------------------|---------------------------------|
| Rb.                | Naziv podrške   | Koeficijent za obračun   | Procjena potrebnih sredstava KM |
| 1.                 | Podrška za nabavku novih kopačica, priključaka za mehanizaciju i muzilica   | do 25 % vrijednosti      | 5.000,00                        |
| 2.                 | Podrška za saradnju sa NVO i drugim nivoima vlasti na projektima iz oblasti poljoprivrede, edukacije i organizaciju manifestacija | 20.000 KM prema Programu | 20.000,00                       |
| 3.                 | Podrška za registrovanu organsku proizvodnju i plantažni uzgoj autohtonosih sorti voća  | do 500,00 KM/obrt/PPG    | 1000,00                         |
| 4.                 | Podrška za organizaciju sajma "Jesen u Visokom"   | 22.00,00                 | 22.000,00                       |
| 5.                 | Podrška za proljetnu sjetvu   | %                        | 71.000,00                       |
| C3.                | Ukupno ostale podrške   |                          | 119.000,00 KM                   |

|                  |  |               |
|------------------|--|---------------|
| SVE UKUPNO A+B+C |  | 481.000,00 KM |
|------------------|--|---------------|

#### IV

Ovaj Program stupa na snagu danom donošenja i objavit će se u "Službenom glasniku Grada Visoko".

Broj: 02/1-02-79 /24  
28.03. 2024. godine  
Visoko



PREDSJEDAVAJUĆI  
Gradskog vijeća Visoko  
Nikola Pečić